

Athinbyâye di dèlègâ le 28 d'âvri 2024 ou kabare dè La Krê Vêrda a Tsêrlin

Patarafa dè l'athinbyâye

1. Ourâye de l'athinbyâye

A 14 j'ârè è 3 minutè, le prèjidin Marcel Thürler àrè l'athinbyâye. I kouâ la binvinyète a ti lè mantinyârè è lè dèlègâ. I èchkujè Francis Rime è Françoise Vial.

Jean-Louis Thorimbert âmèrè on poin din lè divê chu le dikchenéro. Lucien Menoud l'a on pochyin po lè patêjan de la Grevire. Le komité l'è pâ onko konchtituâ. Po lè chtatu, i vu pâ prindre la rêchponchabilitâ po tota l'amikala. I propoujè dè rèportâ la dèchijion a l'an ke vin.

Po Intrè No, l'è na boun'idé, l'an pâ jou l'iji d'in parlâ ou komité.

2. Nominachyon di chkrutateu

Bernard Chaney, François Blanc, Marcel Pasquier è Jacques Jenny chon nomâ.

L'i a lè byotè vèrdè po votâ. On vôtè la propojichyon dè rèportâ l'akchèptachyon di novi chtatu a l'an 2025. L'è akchèptâ a la majoritâ. Jean-Louis Thorimbert dèmandè dè lè betâ chu le chitse. Lè poin 4 è 10 van tsère.

André Piccand dèmandè na prèjintachyon. No van pâ le fère.

Drè de vote: Grevire=25, IntrèNo=14, Yêrdza=8, Takounè=8

Na menuta dè tyéje po lè patêjan ke chon modâ po le gran patchi: lè mantinyârè: Jean Jaquet, Noël Philipona, Ernest Cotting, Marcel Gachet è Albert Kolly.

Po Marcel Gatsè, chon frâre Raymond li fê on omâdzo è no yê "Trè j'yè, trè bè". Marcel l'a èkri pye de 1000 ichtouârè è on dikchenéro.

3. Patarafa de l'athinbyâye dè 2023 ou Tsathèlâ chu internet

La patarafa l'è akchèptâye chin rèmarkè pè byotè vèrdè. On to gran marthi a Carmen è Rose-Marie. On to gran marthi po chi PV è po le patê.

L'è aplôdi

4. Chuprimâ

5. Prèjintachyon di konto 2023

Le bochè, Irénée Braillard, no prèjintè lè konto. In 2023 no j'an na pèrda dè 711,25. La fortèna chè montè a 17'645,15 ou 31.12.2023 Intrâyè dè 10.853,20 è dèpinchè dè 11.564,45

6.Rapouâ di vèrifikateu

Po lè vèrifikateu, Tobie Gremaud prin la parola.

Albert Kolly è Tobie Gremaud l'an vèrifiâ lè konto le 14 dè janvié è konfirmon ke to chin l'è in ouâdre. Marthi a Irénée po la hyartâ di konto. Propoujon dè lè j'akchaptâ. Marthi Tobie è marthi Albert du lé-hô.

7.Aprobachyon di konto 2020-2021

Lè konto 2023 chon aprovâ a l'unanimitâ. Fèlichitachyon ou bochè, marthi è bravo.

8.Elèkchyon di vèrifikateu 2024

Chon lè Takounè ke vèrifièron lè konto 2024. Rosemarie Dévaud è Anne-Marie Balmat (Samuel Menoud cherè chupléan)

Kôkon dèmandè dè betâ l'athinbyâye le devindro né. L'athinbyâye li rèbrèke : na le dechando i va bin.

9.Rapouâ dou prèjidi

Fèlichitachyon è gran bravo a ti lè profècheu dè patê ke fan on puchin travô. Marthi

Biyôtè po lè gajètè : Marthi Anne-Marie è Romain ke l'a rinpyathi. Chon aplôdi

Marthi i j'animateu dè Radio-Friboua : André Piccand è Denis Romanens ke chon aplôdi !

Fèlichitachyon i j'amikalè : Intrè No= Konchè è galé tèâtro, La Grevire= La fayère è lè là, Lè Takounè=akteu è aktrichè Aktivitâ 2024 : mècha in patê i j'Invouètè le 18 dou mi d'ou.

10. Chuprimâ

11.Site internet « patoisants.ch », Charlotte Fisler

Totè lè j'informachyon chon chu le chitse. Fô le vèrè! Prà dè tsoujè tsandzon. Po lè tsandzèmin dè dâta, fô bayi l'info po le chitse è po Radio-Fribourg.

Fô li bayi a medji.

Marcel la rêmârhyè è André Piccand la rêmârhyè dè gran kâ. L'è aplôdi.

12.Informachyon kour dè patê: Carmen Buchillier

Po lè piti, 4 kou dè l'an ou Mujé gruvérin

Ekoula primère : pâ dè novala dèmanda. Le SECU va adi fère dè la rèhyâma.

CO : Bullo, la Toua, Riaz, Avry, Marly, Tsathi-chin-Dèni, Remon, Friboua=Jolimont, kontakt avui lè CO dè la Brouye

HEP : propoujè na valije pédagogike è le patê din la formachyon kontinu.

Romain : travô chu le patê a l'èkoula. Louane Ruffieux a l'ECG Groupe de travail intercantonal

Tèâtro po l'aprendre.

Marcel la rêmârhyè po l'UNIPOP è to chè travô !

13.Rapouâ di j'amikalè

Parola a Charlotte Fisler po **Lè Takounè** : Lè vèyè chon todègran menâye pè Cécile Mettraux ou Krê. Colette Esseiva mènè lè kour dè l'Unipop a Tsathi-chin-Dèni.

Le komité l'a kontinuâ a inkotchi la pithe dè tèâtro « Lè koukou » dè Nicolas Bussard, tranchlatâye pè Gérard Guillet.

L'an fê na chayête ou mi d'ou. La fitha dè Tsalandè po ti lè minbro aktif.

In chaptanbre, l'an keminhyi lè rèpètichyon po le tèâtro *Lè Koukou*.

La pithe l'è jou prèjintâye intre févrè è mâ dè chti an. Lè dzin chinbyâvan bin kontin dè ha pithe. Marthi a totè lè pèrchenè po to le travô è po le chotin din la tsèvanthe dou patê !

L'an j'ou l'athinbyâye le 19 d'èvrè chuèvu d'on goutâ.

Intrè-No de la Charna : René Kolly : Lè kour dè patê chè bayon ou Tiyo a Matran ti lè 15 dzoua avui Gérald Carrel. Lè rinkontrè chè fan achebin a Matran.

Le kà l'a tsantâ la mècha dou chovinyi a Ekuviyin.

Ou mi dè juiyè, chon alâ chè promenâ a Chamonix din l'amihyâ.

L'an organijâ 2 match y kârtè.

Ou mi dè mâ, le kà l'a bayi chon konchè outoua di 4 chèjon. La tropa dè tèâtro l'a dzuyè « Mimamin pâ pouère ». Marie-Thérèse Biemann è Madeleine Bourguet l'an èkri ha pithe tranchlatâye pè Raymond Gachet è betâ in thène pè Christel Carrel. 3 jènèrachyon l'an dzuyi. Marie-Thérèse Biemann l'a prèjintâ ha vèya. Marthi . Marthi a hou ke chon vinyè akutâ. I rinkontrè dè tèâtro dè Bulo, la tropa l'a prèjintâ « L'èretâdzò d'Irène dou kabanon » è la Tropa dou Dzubyâ l'a dzuyi « Maryâdzò virtuel » d'Anne-Marie Yerly.

Intrè-No rèmahyè ti hou ke fan ôtyè po le patê. (la lichte l'è tru granta !)

La Grevire : Lucien Menoud : Lè rinkontrè dou

patê tinyon na pyathe inportinta din l'okupachyon di patêjan. A

Tsêrlin, Alodie Philipona, Bernard Chaney, Hubert Brodard, Chantal Berset, Jean-Marie Liard è Bernard Perritaz animon lè kour le dumidzoua è le dèvêlené.

Athinbyâye di patêjan de la Grevire è komèdiya : « Trè por on mulè ».

Ou mi d'ou, avui prà di j'amikalè, mècha in patê i j'Invouètè.

Tradihyonel goutâ dè l'amikala a la Méjon dou Grevire a Pringy.

Mècha dou chovinyi avui l'èrmounè Dominique Fragnière è le kà Dè Vaulruz.

La Tropa l'a inkotchi na pithe èkrite pè Jean Charrière "La Fayère è lè là" betâye in thène pè Christine Overney-Ruffieux dzuyète in âvri.

Rèmârhyèmin a Joseph Comba, prèjidin d'anà po to chon travô è a Marcel Thürler, è fèlichitachyon a li è chon komité.

Bi furi è prà dè dzouyo a kurtiye chi bi patê.

Lè Yêrdza : Rose-Marie L'Homme : ou mi dè jouin, no j'an jou la dolà dè tchithâ nouthron prèjidin Jean Jaquet ke l'è modâ po le gran patchi.

No j'an jou on loto, on match y kârtè.

Le kà l'a rèprè lè rèpètichyon avui chon direkteu Daniel de Morais ke bayè l'invide dè tsantâ. Du le mi d'âvri, le kà l'a l'anà dè fère partya de la Fédération fribourgeoise des costumes et coutumes.

No j'an jou la tsanthe dè dègotâ on chuti patêjan Jean-François Menoud po bayi lè kour ou CO dè Remon. L'è achebin li ke

ch'okupè di kour dè patê è achebin din lè méjon dè rèpou.
 Huguette è Noëlle ch'okupon di vèyè on kou pè mē.
 Francis Bussard pubyèyè di j'èkri din la Foyè dè Remon.
 Mècha dou chovinyi tsantâye pè le kà è akonpanyi in mujika pè
 Daniel de Morais.
 No j'an jou on loto in patê tchirâ pè Jean-Louis Thorimbert, chuévu
 d'ouna kolachyon. Prà dè dzin chon vinyê dzuyi.
 Dèman, athinbyâye jènèrale avui goutâ è tsan dou kà.
 Bi furi è bouna chindâ !

14.Divê

Dikchenéro, Rèkuyo d'èkri patê, Tréjouâ dou patê = sont au Vieux
 Comté. La librairie assure la pérennité de l'activité pour la promotion,
 la réimpression et la diffusion. I vu rin mé in intindre dévejâ.
 Jean-Louis dèmandè yô chon lè konto. MT : L'è a la librairie.
 Chinyaturè avui on notère. Po lè réfère, kothè pye dè 100.-. L'è bin
 piathi.
 Lè dikchenéro è Rèkuyè chon a L'Office du Livre. Le mujé gruvérin
 n'in da onko kotyè j'on. L'é vèchâ on montan ou Vieux Comté. Chin
 tè konvin ?
 Djan-Luvi : -ouê

André Pauchard : L'i a on nyô por tsèrdji l'aplikachyon chu le tchira-
 mè.
 Marcel li rèbrèkè : pout-ithre din 1-2-mê por tsèrdji.

Anne-Marie Yerly : On piti chovinyi : din l'è j'an 30, l'y avè prà dè
 tèâtro. Din l'è j'an 54-55, fin. Ouè, n'in da pyin. To chin rèdzoyè !

Lucien : Fére na lichte di mo ke chon pâ din le dikchenéro.
 Le dikchenéro dè Raymond ?
 40^{imo} dè la Grevire
 Tchinta l'è la pye granta rèkonyechanthe por on patêjan ?
 -L'è Mantinyâre. Minbro d'anà l'è dékrère !
 Por Anne-Marie Yerly : l'è on anà dè dévejâ patê, l'è chin ke kontè.
 L'i a pâ fôta d'on diplôme.

Marcel : l'è djuchto. Albert éthè on mantinyâre dè rèthèta.
 Jean-Louis :- no j'an partadji di bon momin. Mantinyâre l'è la pye
 hôta rèkonyechanthe por lè patêjan.

Joseph Comba : L'an pachâ l'é de ke l'è a l'athinbyâye kantonale
 k'on nomè lè dèlègè de la FRIP. Fô le fére : nomâ ou rénomâ di
 dèlègâ a la FRIP.
 Ou mi dè mé, propoujâ 2 dèlègâ. Ou dzoua dè vouè chon Marcel
 Thürler è Gérard Genoud. A fére po le kou ke vin.

Bernard Chaney no yè : Goton è Fine

Jean Charrière : l'è jelâ ou musée avui Carmen po lè j'infan: Marthi
 Marthi a ti hou ke l'an adzetâ « Lè Lètrè dè mon
 moulin »
 è « Fabuleux ».

Muriel Sturny : Encourager les gens qui parlent patois à parler avec ceux qui ne le parlent pas !

Carmen : Fitha di kochtumè a Zürich lè 29 è 30 dè jouin. Le dechando l'y arè di tekste in patê è la demindze on gran kortéje.

La rèvijyon dè la lê chu lè tradichyon, fô chè fére intindre pèchke i volon to profèchyonalijâ.

Jean-Louis rêmârhyè to le komité. Marthi po le travô ke vo fédè.

Marcel rêmârhyè to le mondo. To chè bin pachâ. No j'an bin fê dè prindre totè lè bounè dèchijion. Bon tsôtin. A l'an ke vin

L'è 15àrè 40 kan no j'an fournè.

Lucien Menoud no tsantè : Galé Gringo è 'n'ôtra tsanthon.

Raymond Gachet no yè l'ichtouâre de Louis Bornet

Vouthra grâta-papê
Rose-Marie L'Homme